

Na osnovu člana 57. stav 2. Zakona o računovodstvu i reviziji u Federaciji Bosne i Hercegovine ("Službene novine Federacije BiH", broj: 83/09), federalni ministar finansija-federalni ministar financija d o n o s i

**PRAVILNIK O IZMJENAMA I DOPUNAMA  
PRAVILNIKA O NAČINU I USLOVIMA IZDAVANJA, OBNAVLJANJA I  
ODUZIMANJA LICENCI OVLAŠTENIM REVIZORIMA I DRUŠTVIMA ZA REVIZIJU**

**Član 1.**

U Pravilniku o načinu i uslovima izdavanja, obnavljanja i oduzimanja licenci ovlaštenim revizorima i društvima za reviziju („Službene novine Federacije BiH“, br.: 12/10 i 42/10), iza člana 4. dodaje se novi član 4a., koji glasi:

**„Član 4a.**

Uz zahtjev za izdavanje ili obnavljanje licence, ovlašteni revizor obavezno prilaže original ili ovjerenu fotokopiju uvjerenja izdatog od strane Revizorske komore Federacije Bosne i Hercegovine (u daljem tekstu: Komora) o izmirenim obavezama prema Komori za članarine:

- Ovlaštenog revizora i
- Društva za reviziju u kojem je zaposlen.

Izuzetno, pri podnošenju zahtjeva iz stava 1. ovog člana ovlašteni revizori koji nisu zaposlenici Društava za reviziju ne dostavljaju uvjerenje za Društva za reviziju o članstvu i izmirenim obavezama prema Komori.

U slučaju nedostavljanja uvjerenja iz st. 1. i 2. ovog člana, Ministarstvo neće izdati/obnoviti licencu i poduzet će radnje iz člana 5. stav 3. ovog Pravilnika.“

**Član 2.**

U članu 6. stav 2. u alineji 9. na kraju rečenice tačka se zamjenjuje zarezom i dodaje nova alineja 10. koja glasi:

„- original ili ovjerenu fotokopiju uvjerenja o članstvu u Komori.“

**Član 3.**

Ovaj Pravilnik stupa na snagu narednog dana od dana objavljivanja u „Službenim novinama Federacije BiH“.

**MINISTAR**

**Ante Krajina**